

Q. D. B. V.

DISSERTATIO MEDICA

De

ISCHURIA,

Quam

Præscitu Gratosiss. Facult. Medic.

*SUB PRÆSIDIO*

DN. AUGUSTI QVIRINI RIVINI,

Phil. & Med. Doct.

Præceptoris sui æstumatissimi

P. P.

Johann Siegfried Rießling/

Zitta-Lusatius,

Lipsiæ d. XIV. Julii, Anno M DC LXXXII.

H. L. Q. C.

---

Literis JOHANN. GEORG.









J. D.

## Prooemium.

**N**on unum est, quod circa mictionem notare licet vitium. Quosdam vexat Ardor Urinæ, ut summos inter mejendum persentiscant dolores: alios stranguria, qui urgente continuo urinâ guttatim hanc reddunt atque acrem ita, ut ferme urethram erodat. Alii sanguinem simul & pus cum lotio excernunt in mictione cruentâ. Nonnulli pene diffuunt Diabete, atque crebrius copiosiusque urinam reddunt, ut plus urinare, quam potare videantur. Aliis Diamnes s. urinæ incontinentia summe molesta est, qui eam citra dolorem quidem emittunt, at sæpius quoque citra sensationem, ut non modo inter dormiendum, sed & inter vigilandum vix animadvertant egressum lotii. Denique urina etiam supprimitur, quibusdam ex parte tantum, quando non liberè, sed parcius reddi potest, in Dysuriâ nonnullis dictâ: aliis ex toto supprimitur, ut nec guttula excerni queat, quem affectum vocamus Ischuriam. Atque hanc ipsam in præsentî Dissertatione tractare, nobis propositum est. Deus T. O. M. benedicat laboribus nostris ex altô!



§. I.

**E** Quidem me non latet, multos cum *Ætio Tetr. 3. serm. 3. cap. 2.* Ischuriam habere pro affectu vesicæ proprio, quandocunque sci- licet urinam hæc ipsa colligat nec reddat, quo sensu *Gorræus in Def. Med. p. 199.* aperte docet, ischuriam proprie dici urinæ in vesicâ retentionem, aut à vulgo Medicorum ejus significationem ampliari, ut illam quoque urinæ suppressionem comprehendat, quæ vitio renum contingit, vacuâ omnino vesicâ.

§. II.

Nec ignoro hinc ortam divisionem in Ischuriam veram, sive legitimam & notham s. spuriam; quæ distinctio, passim occurrit apud *Trincavellium, Forestum, Sennertum, Riverium Cardiluc. in Hartm.* aliosque. Intelligunt autem per Ischuriam veram, urinæ suppressionem, quæ fit vesicâ plenâ; per notham, quæ fit vesica vacua.

§. III.

Nihilominus placitum est nobis, sub titulô Ischuriæ, omnem in genere urinæ suppressionem complecti, spreta pariter iniquâ *Gorræi censurâ* & quâ vulgò utuntur Ischuriæ divisione jam recensitâ.

§. IV.

Etenim nec vocis origo repugnat, nec usus vocabulorum tyrannus. Componitur nimirum *ischuria*, ex *ἰχω* contineo & *ὑγρ*, Urina, adeoque idem sonat, quod urinæ retentio. Hinc etiam non pauci recentiores cum *Hœchstettero, p. 661.* omnem in genere lotii suppressionem, ischuriam vocant, siquidem & ipse *Galenus, lib. 1. de part. aff. Cogn. cap. 1.* expressè asserit, ischuriam non tantum vitio vesicæ, sed & renum atque ureterum nasci, & *lib. 3. de Sympt. Caus. cap. 2.* addit, ob defectum vocabulorum, ei quoque urinæ retentioni, quæ fit vesicâ vacuâ nomen ischuriæ omnino concedendum esse.

§. V.

Quamobrem verò ischuriæ divisionem rejiciam, hæc est ratio: videlicet fundamentum ejus nullius valoris existit, sive id à diversitate partis affectæ, s. causæ morbificæ petant, utrinque tamen defectus apparet insignis. Sit ita ischuriam vitio vesicæ natam dici legitimam, hinc, si differentiam partium affectarum tradere velis, non satis est opponere ischuriam, quæ vitio renum atque ureterum accidit, quorsum enim referenda est ischuria vitio sanguinis oriunda, in quâ renes pariter & vesica, ac ceteræ partes urinariæ illæsæ sunt.

§. VI.



## §. VI.

Deindè nec satis est alias numerasse causas ischuriæ veræ, alias notæ, quid si enim causa communis renes simul & orificium corripit, e. g. fieri potest, ut sanguis congruatus, calculi l. similia, partim quidem ad vesicam deveniant, partim verò in renibus remorentur, atque sic non tantum supprimant urinam in vesicâ jamjam collectam, sed & ulteriorem per renes translocationem impediant. Hæc sanè ischuriæ species, nec absolute vera est, nec spuria, sed potius mixta; ac proindè longè convenientius videtur, communi nomine ischuriæ quamcunque urinæ suppressionem salutare.

## §. VII.

Sed ad rem. Urina nil aliud est, quam serum per renes è Massâ Sanguineâ separatum. Dum enim sanguis per arterias emulgentes renibus infunditur, fieri non potest, quin pars  $\nabla$ osior transeat per renum substantiam, ex innumeris tubulis confectam, tanquam per filtrum, reliqua sanguinis parte magis oleosa pinguique interim refluyente per venas renales ad cavam; Serum autem isto modo sequestratum, per ureterum canales depluit continuò in vesicam, ibidemque colligitur, donec contractis vesicæ fibris, per urethram excernere lotium placeat.

## §. VIII.

Quis igitur non videt, modis innumeris, naturam in hóc negotiò impediri posse, quo minus urinæ secretio ex voto contingat, scilicet vel vitio sanguinis, s. materiæ secernendæ, vel vitio organi secernentis, s. renum malè affectorum, vel vitio viarum s. ureterum, vel vitio vesicæ, vel etiam urethræ.

## §. IX.

Sic Platerus *lib. 3. Obs. pag. m 564.* refert glandem penis à præputio ita fuisse occlusam in recens nato infante, ut ne guttam quidem lotii reddere potuerit. Similes historias vide in Boneti sepulchreto, p. 1237. Nec dubium est simili urinæ suppressione urgeri foemellas, quas atreta vocant, si vel à nativitate, l. alio errore vulva occludatur in totum.

## §. X.

Idem malum contingit aliis in calculo urethræ impacto, viamque lotii transitori interceptante, quorum exempla vide, in Zacut. Lusit. *Præadm. lib. 2. Obs. 75. 76. & 77.*; aliis à carunculis urethræ cavitatem occupantibus, cujus historiam refert Riverius, *Obs. Cent. I. 81.*



## §. XI.

Vesicæ autem culpâ ischuria nascitur, quandò l. cervix ejus obturatur à calculo, quod Bartholinus. *Cent. 2. Ep. 86.* annotavit, aut sanguine congrumato, vid. Galenus. *l. 6. c. 4. de loc. aff.*, aut quandò inflammatur, juxtâ observationem Lælii à Fonte in *Consult. 108.*, aut saltem fortius comprimitur, e. g. à fecibus nimium induratis, quod Schenckius testatur de Ischuria *l. 3. Obs. 8. p. 485.* l. quandocunque Vesica se contrahere atque lotium expellere nequit. Ita enim Pareus *Op. Lib. 16. cap. 48.* narraturinam totaliter suppressam in Juvene, qui diutius eam ex verecundiâ retinuerat.

## §. XII.

Ureterum vitio accidit Ischuria, ubi l. calculo obsessi aut resiccati fuerint, quod utrumque observavit Vidus Vidius, *l. 10. cap. 17. de Curat. Memb.* l. etiam si quando sanguis congrumatus, materia sabulosa & viscida, atque similia ureteres occupaverint, annotante Zacuto Lusitano. *P. H. Lib. 2. c. 15. Obs. 5. p. 442.*

## §. XIII.

Denique renibus malè affectis lotium supprimitur; scilicet nunc ob eorum inflammationem, uti testatur Lotichius *Obs. Lib. 4. fol. 376.* nunc propter obstructionem l. à calculo, quod frequentissimum est, aut mucosius, quod antè biennium observavimus. Nimirum assumerat pro jentaculo Vir quidam, de cætero sanus casum quem vocamus Hollandicum ad satietatem, cerevisiam tenuem ac Diureticam ( Reuterling ) superbibendo: elapsis aliquot horis, urina citrà ullum Vesicæ renumve dolorem supprimitur, ut ne guttam quidem excernere ad tertium usque diem potuerit. Tunc verò nostrum petens consilium Spiritum accepit è millepedibus ac testis ovorum urinosum, quo sumto mucosa crassaque prodiit urina, atque sic liberatus est ab Ischuria.

## §. XIV.

Curiosum autem est, illæsis omninò partibus urinæ dicatis, nihilominus ischuriam quibusdam contingere. Memoratu digna est prima Salmuthi observatio, habita circà sectionem pueri, post omnimodam urinæ suppressionem demortui. Etenim aperto hujus abdomine, mirum erat totam ejus cavitatem aqua fuisse repletam, at circà renes ureteres atque vesicam nullum apparuisse vitium. Causam tamen rei ulterior vi-



scerum inquisitio detexit, siquidem insigne circa stomachi pylorum occurrebat foramen, è quo exstillans potus, nec ad intestina quidem, multò minus ad renes atque vesicam pertingebat.

§. XV.

Quid verò dicam de observationibus Loweri atque Willisii, quas hic ipse in *Pharm. Rat.* p. 103. recenset. Sanè, dum omnia in corpore salva, sine ullo impedimento lotii reppererunt, quid judicare licuit aliud, quàm vitium magis in sanguine, quàm organo latitasse, causamque ischuriæ dedisse lethali. Est enim satis probabile, ob defectum feri, deficere urinam, & quem sanguinis massa nimis compacta intimè permixtum habet, laticem aquosum è sinu suo ægrè dimittere.

§. XVI.

Nescio tamen, an hæc Willisii ætiologia locum inveniat apud Riverium. Videlicet si quis casus in hujus *Cent. I. Obs. I. & 89.* annotatos penitus intuetur, is certè nec omninò excusare sanguinis vitium potest, cum juxtà *Obs. 89.* urina subnigra reddita fuerit post solutam ischuriam, nec feri defectum accusare aut sanguinis compagem nimis strictam quandoquidem ægrorum uterque multum potârît ante suppressionem urinæ, ac deindè quoque plures urinæ libras excreverit, curatâ per venæ sectionem ischuria. Riverium itaque parùm emendavit Willisius nec enim absurdum erat in corporibus plethoricis instituisse phlebothomiam, aut quomodo hujus beneficio compages massæ sanguineæ firmior resolvatur nondum liquet.

§. XVII.

Cogitandum proindè nobis erit de alia illius ischuriæ causa, quam fortassis ita concipio. Notum est alias læso rene uno alterum insimul in consensum rapi, sic, ut e. g. ren sinister tantum à calculo occupatus urinæ fluxum ex totò impediât, quantumvis dexter sit integer ac salvus, videatur Verzascha *Cent. I. Obs. 2.* Atqui consensus iste procul dubio propter nervorum renalium communicationem & complicationem oritur, quemadmodum stomachus atque testiculi ut plurimum à calculo renali per consensum malè habent, ita multò major est renum sympathia. Quod si verò nervorum vitio ischuria nasci solet in uno latere, quando alterius lateris ren ex calculo dolens renem socium convellit, quid obstat alia de causa utrumque simul renem spasmo corripi, & hoc pacto canales urinæ secretioni dicatos corrugari atque occludi.

§. XIX.



### §. XIIX.

Hujus rei testimonium insigne nobis nuperrimè dedit ex casu ab alto decumbens. Cum enim hic ipse ob dolorem lumborum lateris sinistri variis cruciaretur motibus convulsivis, redeunte per vices asthmate sicco, singultu vehementissimo, inani vomendi conatu, tremore artuum atque epilepsia nunc saltem caput, vel brachium pedemve, nunc totum corpus horrendum in modum torquente; tum verò alvus insimul & urina supprimebatur, usque donec anodynis & antispasmodicis largiter inuncta renum ac vesicæ regio, clysterque ejusdem virtutis applicatum esset. Credidisses ischuriam hanc à sanguine congrumato, renes forte obstruente fuisse ortam, at eventus aliud monstravit, siquidem non modò prima, quæ tunc prodiit urina, omninò clara fuit, satisque copiosa sed & postmodum, quæ per totum morbi decursum colligebatur, ne vestigium quidem cruoris dedit, quanquam inter screandum plurimam quantitatem sanguinis, partim floridi, partim nigricantis & quasi deficati per plures dies rejiceret æger & hoc pacto convalesceret favente Numine.

### §. XIX.

Proindè, si quis in Ischuriæ cura, felicem optat eventum, necessum est ante omnia, ut partem affectam, causamque morbificam proboscatur: Non satis est Empiricorum more ad urinæ suppressionem dedisse diuretica omnis generis. Utut enim nonnunquam æger quidam servetur, exhibito fortè cum innumeris ineptis unico appropriato; reliquos tamen omnes, hac ratione mortuos culpa medentis, i. e. negligentia & imperitia ejus interiisse, palàm est. Equidem homines sumus, quibus non semper licet ad intimiora naturæ ac morborum penetrare, ast stupiditatem suam, plus quam asininam occultare sub artis Medicæ pallio, hujusque imperfectionem prætere velle, non sufficit undique. Ecquid non videt, vesica vacua frustra inungi abdomen, ineptè in urethram adigi candelam ceream l. catheterem, & ab affixa cucurbita, si calculus in uretere hæreat, plus damni, quam emolumenti ægros sentire, uti & à fortioribus diureticis, si quando calculus major aut saltem asperior viarum angustias obturet.

### §. XX.

In gratiam igitur tyronum, breviter attamen clarè lubet exponere quomodo non tantum ischuriæ causa cognosci, sed & ipsum malum per con-



venientia remedia tolli queat. Videlicet affectus ipse cognitus non est difficilis, ast ut cura cum iudicio atque fructu instituat, attendendum est ad quasvis circumstantias, tam antecedentes, quam consequentes.

§. XXI.

Ex antecedentibus occasio morbi addisci potest, quandoque intelligimus ægrum, l. antehac laborasse calculo, l. ab alto cecidisse, l. insignem in victu errorem commisisse, l. diutius retinuisse urinam, atque sic porro; Ad hæc multum refert nosse, utrum subito suppressa sit urina, an verò paulatim defecerit; item qualia fuerint ultimò excreta, numquid fortè sanguinis grumosi, l. materiæ mucosæ, l. sabulosæ unà prodierit.

§. XXII.

His præcognitis ad statum ægri præsentem animadvertendum & imprimis considerandum est, num doleat, an non, quâ in parte, & quomodo dolorem percipiat, numve alia concurrant symptomata, æstus, vomitus, stupor cruris, paralyfis aliarum partium, l. spasmus, aut motus convulsivi &c. Cumque non rarò in gravidis quoque urina supprimatur, ultimo gestationis tempore, quandoque scilicet uteri moles cervicem vesicæ versus os pubis comprimit, moneo in his omnibus circumspectè agendum esse ac prudenter, ne fortassis accusando calculum, aliâve ischuriæ causam calumniandi occasionem præbeat Medicus.

§. XXIII.

Ut paucis rem omnem expediam; Qui à nativitate urinam non emittunt, iis l. vulvam clausam, l. si pueri fuerint, glandem penis imperforatam esse, per inspectionem constat. Similiter & in oculos incurrit, si cui post vulnus inflictum l. ulcus coaluit foramen urethræ, aut saltem præclusum est, à superinducto præputio calloso, prout in Lue & ea quandoque occurrit.

§. XXIV.

Quod si verò dolor in urethrâ observetur, tunc si adsit inflammatio,



tio, dolor magis ardens atque pulsatorius, si calculus, dolor acutus, pungens & quasi lacerans ægrotum cruciat: alius est dolor minusque acerbus quem ex caruncula urethram obstruente ægri per sentiscunt, si quis tamen certior esse velit, is saltem tenuissimam candelam ceream oleo imbutam immittat in urethram, ubi enim obstaculum erit mollius, carunculam, ubi durius, calculum adesse, tuto colligere poterit; Verum urethræ inflammatio, sive cum calculo, l. carunculâ concurrat, sive sola ischuriam pariat, præter dolorem ardentem ac pulsanter, signa præbet satis manifesta, nam & rubor & durus tumor eam clarè indicant, ut in illa cognoscendâ nemo amplius hæere queat.

§. XXV.

Ubi autem nil horum observetur in ægro, ac nullibi via lotii è vesicâ impediatur, hæc tamen turgeat, quod l. manu appositâ deprehendi ex ejus duritie, l. etiam observari oculis, ex illius eminentiâ atque abdominis elevatione, potest, tunc vitium hæere in vesicâ ipsâ extrâ dubium est. Atque sic ex ægri relatione intelligimus, si fortè diutius quàm par est retinuerit urinam, aut sanguinem congrumatum collegerit ex lapsu. Si verò spasmus l. motus convulsivi observentur aliis in partibus, tum simili vitio vesicæ sphincterem corripì probabile est. Ast calculus cervicem vesicæ occupans optimè cognoscitur, si juxta §. antecedentem, per candelam ceream exploretur ac removeatur, lotiumque tunc sabulosum ac limosum effluat.

§. XXVI.

Ast vacuâ vesicâ, dolor nunc descendit per abdomen versus vesicam, quando in ureteribus calculus, l. humor viscidus ac sabulosus hæret, tunc plerisque simul crus stupet, ac in viris ut plurimum dolet lateris affecti testiculus: nunc verò dolor in lumbis residet, isque si renes inflammati fuerint, ardens ac pulsans, ut & in extimâ superficie rubor conspici, æstusque admotâ manu satis intelligi queat, imprimis in nephritide paulò vehementiori. Ubi verò calculus renes percurrere conatur, tum juxta diversitatem calculi majoris, l. minoris, aut asperi l. lævis, dolor modò intensissimus, acriter pungens & lacerans modò remissior aut saltem gravativus est.

§. XXVII.



## §. XXVII.

Sed difficillimum tandem erit judicare de Ischuriâ, quando nullus ullibi dolor in ægroto notatur, quod tamen rarissimè contingit. In tali igitur casu omninò expedit juxta §. 21. accuratius examinasse singula antecedentia, imò & præsentia, imprimis humorum atque nervosi generis statum, undè sanguinis visciditas, renumque spasmus percipi satis potest.

## §. XXVIII.

Et nunc ipsam aggredi curam ischuriæ nil vetat, postquam de causa ejus ac sede certiores facti sumus. Scilicet quibus urinæ via impedita est, propter membranam vel præputium urethram occludens, iis per decentem sectionem facile medemur, & ubi opus est, cannulam plumbeam immittere licet, ne iterum vulnus coalescat.

## §. XXIX.

Si calculus in urinario meatu hæreat, non consultum videtur, l. diuretica fortiora interius propinasse, l. intruso stylo aut cathetere lapidem commovisse, siquidem his modis & dolor exacerbatur, & propter dolorem fibræ ipsius urethræ satis sensatæ stringuntur arctius, calculumque magis firmiter amplectuntur ac detinent. Cum enim æqualis sit, urethræ amplitudo, non video quamobrem calculus in medio illius hæreat nec pergat ulterius & excernatur, nisi quod in progressu offendens cum dolore spasmum excitet, atque sic viam sibi ipse præcludat. Optimum igitur est, anodyna cum antispasmodicis adhibere, l. sub formâ linimenti, l. fots, l. infessus. Tandem, his nihil proficientibus, urethræ sectio instituatur, cujus beneficio lapis eximi è cole non difficulter potest. Vide inter alios Tulpium *Obs. Lib. 3. Cap. 8. & Lib. 4. cap. 34.* Ast nemini Autor ero, ut juxta Zac. Lus. *P. M. A. L. 2. Observationem 67.* violenta manu sibi opem ferre, id est percussione fortiori calculum virgæ impactum comminuere velit; vereor namque ne durior lapis plagam eludat, atque tum non sperata salus, sed atrocissimus dolor sequatur.



§. XXX.

Sed caruncula seu caro spongiosa in urinario meatu enata paulò aliter tractanda venit. Equidem Cardanus in *Comm. ad Hipp. Aph. Lib. 7. 43.* testatur, beneficio catheteris perforatam carunculam, effusaque sanguine simul & pure, quendam fuisse restitutum; at quod uni feliciter, pluribus finistre potest evenire ob metuendam doloris ac inflammationis exacerbationem. Tutius est itaque juxta Amatum Lusit. *Cent. 4. Curat. 19.* per Medicamenta  $\ominus$ ina paulatim erodi carunculam. Paravit autem ex viridi æris, auripigmento, vitriolo & alumine, in  $\odot$ e calcinatis, probeque cum  $\dagger$ o tritis, addito oleo rosaceo & lithargyrio emplastrum, quod extremitati tenuis candelæ cereæ affixum in canalem urinarium adegit, ibique per tres horas reliquit: ita enim renovato quotidie emplastro, caruncula intra sex l. octio dies absumitur, uti pluribus experimentis id confirmavit Borellus *Cent. 1. Obs. 79.*

§. XXXI.

Alia est ratio curandæ inflammationis, quæ urethram, l. cervicem vesicæ, l. etiam renes ipsos occupat. Externè quidem remedia Saturnina, & quæ aliàs usitata sunt, contra inflammationes adhiberi possunt: Vena secetur, si corpus plethoricum fuerit, atque internè simul assumentur  $\odot$ ata, quippe quorum excellens est Virtus refrigerans pariter atque diuretica. Similis est succus cancri, cum aceto l. vino contusi, item emulsio sem. cucurbitæ, quam singulari experimento, contra ischuriam jam olim commendavit Aëtius *Tetr. 3. serm. 3. cap. 21.* Quandoquidem vero inflammatio sæpe non adsit sola, sed vel cum calculo, l. cum carunculâ, aut etiam vulnere concurrat, igitur his in casibus non inflammatio tantum, sed & reliquæ circumstantiæ notari omninò debent.

§. XXXII.

Porro si calculus cervicem vesicæ occupet, tunc ut lapis à meatu dimoveatur, l. æger concutiendus est resupinato corpore, quod in junioribus potissimum locum habet, præeunte Galeno, *Lib. 6. cap. 4. de loc. aff.* l. potius candela cerea per urethram immitti potest, aut etiam cathe-



catheter, quem, ubi paulò durior videbitur argenteus, ex balænarum fetis l. corio parare docet Fr. .d. le Boe Sylvius. *Op. p. 117.* At nunc iterum fluente urina non quiescendum, sed omnibus allaborandum est modis, ut calculus atteratur ac educatur quantocyus, ne vel in vesicâ ad majorem molem accrescat, vel sæpius urinam supprimat. Hunc ergò in finem jubet Sylvius l. c. decoctum graminis Spiritu  $\odot$ ri l. simplici, l. dulci parumper acuatam in vesicam injicere per Syringam; cum verò nec Autor ipse hanc Methodum in usum revocarit, malim istam inventionem seponi, siquidem ab injectione tali ardorem urinæ summum oriri, atque vesicam citius quam calculum erodi certum est. Cui tamen hic modus vesicæ calculum solvendi arridet, is & petroleum in quo lapis lyncis ebullierit, juxta Joh. Baverium *Cons. Med. p. 36.* & solutionem Ocul. Cancrorum in Spiritu Urinæ factam, qua, notante Sachsio in *Gammamol. p. 75.* Panfa feliciter usus est, loco decocti graminis acidulati recipere potest.

#### §. XXXIII.

Sanguis verò congrumatus, quacunque is de causa in vesicam devenerit, resolvendus est iterum per inunctiones l. fots ex abrotano, chelidon. Min., Majoranâ, sem. anisi, atque similibus sanguinem congrumatum solventibus. Præ ceteris stercus vaccinum recens, partibus obscœnis inunctum, quo auxilio non unum ex grumo ischuria correptum feliciter restituit, commendat Zacut. Lus. *Pr. M. Adm. Lib. 2. Obs. 74.* Et præterea si fortè cruor grumofus ureteres simul atque renes repleat, & urinam intercipiat, tum non modò externa, sed & interna requiruntur auxilia; instar omnium esse potest decoctum rubiæ tinctorum, l. oc. 69. cum  $\dagger$ o maturè propinati.

#### §. XXXIV.

Ubi ab induratis alvi excrementis urina supprimitur, clysmata ex emollientibus parata, conducunt, nec non balnea ad imitationem Dodonæi *Obs. Med. Cap. 47.* quodocunque scilicet feces duræ, intestinum rectum occupantes, ne quidem canaliculum clysteris admittunt; quem in finem parietaria, violaria, malva, cum filipendula, chærefolio, petroselino atq; similibus non ineptè recipiuntur.

#### §. XXXV.



§. XXXV.

Prægnantibus autem, si ab uteri mole cervix vesicæ comprimatur, non necesse est plura præscribi, cum in iis urinæ suppressio facile tollatur, quando in lectum se recipientes, vel cruribus cum abdomine paulisper elevatis, vel devoluto in quoddam latus corpore pondus vesicæ incumbens aliquandiu declinent.

§. XXXVI.

Si propter urinam diutius cohibitam fibræ vesicæ nimia extensione enervatæ fuerint, consultum est, manu imposita abdomini, lotium exprimere, quemadmodum in seipso expertus id laudat Foreitus, *Lib. 25. Obs. 14.* Adhæc cathetere immisso, viam aperire licet urinæ, quæ ex parte saltem effusa, vires vesicæ redeunt, ut amplius nullo sit opus medicamento.

§. XXXVII.

Si spasmus sphincterem vesicæ, vel etiam renum tubulos arctius contrahendo, urinæ fluxum impediat, antispasmodica externè pariter ac internè præscribantur. Huc enim pertinet ruta, salvia, Origanum, thymus, hypericum, castoreum atque succinum, quibus jam olim veteres locum inter diuretica concesserunt.

§. XXXVIII.

Habent eadem hæc antispasmodica adhuc multiplicem usum in ischuria, quæ contingit à calculo: Nam & in uretere, si detineatur, nil magis convenit, quam antispasmodica cum anodynis adhibuisse, uti ex inunctione olei scorpionum, petrolei, olei succini atq; rutæ, cum oleo liliorum alborum, papaveris l. hyoscyami aliquoties expertus sum.

§. XXXIX.

Imò si vel maxime in ipsis renibus adhuc dum resideat calculus, sola hæc sufficere possunt. Nimirum vidi non semel, quanquam omnis generis diuretica per plures dies exhibita fuissent contra calculum renum, ne granulum tamen cum urina prodiisse; at dolore sedato, postquam per plures dies atque septimanas inceserunt, nil metuentes, excreverunt lapides satis magnos sine ulla molestia. Itaque neglectis omninò calculum frangen-



gentibus ac pellentibus, anodyna postmodum aliis propinavi unicè, siue suppressa fuerit urina, seu liberè mejerint, & profectò ubique, etiam infantibus convenientissima ac efficacissima deprehendi. Atq; hoc sensu Crocus, opium cydoniatum atque similia, diureticis quoque annumerari merentur.

#### §. XL.

Interim nec prorsus ea rejicio, quæ arenulas mucumque renum expellere valent; sicut enim in urinæ suppressione à calculo solum, si dolor urgeat, anodyna, mixta cum diureticis, si mediocris sit dolor: ita sola diuretica, si absq; dolore supprimatur urina, præscribere sum solitus. Sunt autem hæc ipsa remedia, multum inter se diversa, alia quidem acida, ut succus limonum, Spiritus  $\odot$ ,  $\ominus$ is, & qui omnes superat spiritus  $\odot$  Philos. vulgo dictus: alia sunt naturæ alcalinæ, inter fixa  $\ominus$   $\text{Fri}$ , ononidis, juniperi, stipitum fabrarum, è volatilibus liquor urinosus Oc. 69., testarum ovorum atq; millepedum: alia sunt  $\ominus$ sa, e. g.  $\odot$ .  $\ominus$ \*c.  $\text{Fri}$   $\odot$ tus. Huc referri potest liquor nephriticus Michaelis, syrupus crySTALLORUM, ex horum solutione in succo limonum addito saccharo paratus; alia sunt terrea Oc. 69. mandibul. Luc. pisc. testæ ovorum calcinata, quas omnibus aliis præfert Barbette in Praxi, pag. m. 211. Hæc sunt potiora Diuretica, quibus contenti esse possumus, cui placet addat, lignum nephriticum, cocheniliam tinctorum, alkekengi, virgam auream, folia ribis nigræ, raphanum item allium atque animas halecum ex Platero, cerebrum picæ ex Riverio, medullam pennarum ex Crollio, motacillæ cineres atque sanguinem leporis ex Ferrario, urinam hirci ex Grülingio, atque caballi sterces ex Foresto.

#### §. XLI.

Videlicet hæc omnia quidem in totali urinæ suppressione jamjam experta sunt, existimo tamen, salva auctorum autoritate paucis selectis, cetera seponi posse citrà ægroti damnum.

F I N I S.



## COROLLARIUM.

**J**Ucundissimum fuit spectacu-  
lum, quod in præparatione  
Tincturæ tartari nuper observa-  
vimus, postquam collocata in are-  
nam phiola ignem subiectum au-  
ximus, donec ebullitio accelerata  
fuerit : nempe in superficie salis  
tartari apparuerunt bullæ exactè  
rotundæ, quarum plures conglo-  
meratæ uvas egregie repræsent-  
runt humi prostratas, succedenti-  
bus continuo bullis in altum quasi  
accrescētes, præsertim cum com-  
binationem earum feliciorem cō-  
moto paulisper vitro juvare  
placuit.